



KOMUNIKADO DI PRENSA

Willemstad, 26 òktober 2023

TARIFA DI GASOLIN TA BAHÀ, DIESEL, ELEKTRISIDAT I AWA TA SUBI

WILLEMSTAD – Entrante djamars 31 di novèmber 2023 e tarifa di gasolin ta baha i e tarifa di diesel ta subi na Kòrsou. Tambe e tarifa di elektrisidat i awa ta subi entrante djarason 1 di novèmber 2023. Esaki Bureau Telecommunicatie en Post (BT&P) ta partisipá den su komunikado mensual riba e partikularidat aki. BT&P ta supervisá e desaroyo di preis di produktonan petrolero i di utilidat.

Káalkulo tarifa produktonan kombustibel

E káalkulo di tarifa pa Mogas 95, Gasoil LSD, LPG 20 i LPG 100 konosé e komponentenan

1. Preis di kompra, 2. Impuesto di importashon LSD, 3. Garantia di suministro di kombustibel (1a), 4. Garantia di suministro di kombustibel (1b), 5. Márgen pa Curoil, 6. Impuesto di konsumo (Akseins), 7. Sùrplùs/Défisit (Recovery), 8. Supsidio krusá, 9. O.B. di 6% pa benta por mayor, 10. Márgen pa agente, i 11. O.B. di 6% pa benta por detal. Pa sierto komponente e tarifa sero ta konta, sea temporalmente òf nò. E tarifa pa benta por mayor ta inklui e promé nuebe komponentenan miéntras ku e tarifa pa benta por detal (na usuario final) ta inklui tur komponente.

Ta determiná e preis di kompra, kaminda kalkulashon ta kuminsá, mensualmente pa e luna siguiente a base di e reserva di kombustibel disponibel na final di luna pasá. Pues: e preisnan di kompra ku ta stipulá pa novèmber 2023, en prinsipio ta basá riba e reserva di kombustibel disponibel pa final di sèptèmber 2023.

Den kaso ku si e informashon tokante di reserva duná dor di Curoil ta inalkansabel, lo tin ku sali for di e kotisashon internashonal resien. E preisnan di kompra akí ta wordu revisá dor di notashon di preis internashonal. Dor di e lapso aki den e mekanismo pa determiná preis, por ta nesesario pa deskontá eventual diferensia entre e preis di kompra regulá i e montantenan di kompra real, di forma retroaktivo via e elemento 'Sùrplùs/Défisit'.

Maske ku e preis di kompra pa Mogas 95 a subi, e tarifa usuario final pa Mogas 95 ta baha debí na un bahada den e komponente di korekshon. E tarifa usuario final pa Gasoil LSD lo subi prinsipalmente debí na e prosesamentu di e mitar di e ounto di e preis di kompra di luna pasá i tambe dor di e subida den e preis di kompra kual ta kore paralèl ku esun di Platts. Pa prevení un fluktuashon grandi den un solo biaha di e tarifa usuario di Gasoil LSD, e subida di e preis di kompra lo wordu hinká komo un komponente di korekshon negativo. E medida aki lo wòrdu koregi denter di e lunanan binidero.

Káalkulo tarifa awa i koriekte

E káalkulo di e tarifa pa awa i elektrisidat tin dos komponente: e tarifa básiko i e klousula di kombustibel. E klousula di kombustibel pa elektrisidat ta konsistí di dos elemento: kompra di koriekte i gastunan di kombustibel.



E ‘kompra di koriente’ ta basá riba e preis pa e energia ku tersernan ta suministrá, manera energia di biento i di solo. ‘Gastunan di kombustibel’ ta enserá produkshon di energia dor di Aqualectra mes.

Tambe e klousula di kombustibel pa awa ta konsistí di dos elementu, ku ta “kompra” basá riba preis di awa ku ta wòrdu suministrá dor di un terser partido i e gastunan di elektrisidat pa produkshon di awa dor di Aqualectra mes.

Sin embargo, kada luna e uso di e diferente medio pa produkshon – e asina yamá ‘meskla di produkshon’ ta varia. P’esei BT&P ta determiná e balor di e klousula di kombustibel mensualmente basá riba e pronóstiko di Aqualectra, di kiko e meskla di produkshon lo bira, den e kaso aki pa e luna di novèmber 2023. Si un luna despues resultá ku e elemento akí tabata muchu haltu òf muchu abou, ta korigí esaki. Den e kaso akí, ta trata di e luna di sèptèmber 2023.

BT&P ta determiná e tarifa básiko pa tantu awa komo elektrisidat un biaha pa aña. E tarifa akí ta enserá tur otro gastu (fiho) pa e produkshon di awa i elektrisidat i tambe e gastunan pa e distribushon i e entrega di esakinan, manera gastu di personal, di mantenshon, depresiashon, etc.

E subida di e tarifanan pa elektrisidat prinsipalmente ta resultado di un promedio mas haltu di kostonan di kombustibel pa produkshon di elektrisidat, pa motibu di un subida di preis di kombustibel di Marine Gasoil (MGO) den kombinashon ku e produkshon-miksto antisipá i un faktor di korekshon mas haltu pa e luna di sèptèmber 2023. E subida di tarifanan di awa ta resultado di kostonan di elektrisidat mas haltu pa produkshon di awa i un faktor di korekshon mas haltu pa luna di sèptèmber 2023.

Aprobashon i fihamentu

BT&P ta asesora Konseho di Minister (KdM) enkuanto e tarifanan nobo. Solamente despues ku e KdM aprobá e propuesta, e Minister pa Desaroyo Ekonómiko, ku a la bes ta enkargá ku asuntunan di energia, ta fiha e tarifanan. Eseinan ta e tarifanan máksimo ku por usa un luna largu.

Ku e prosedura akí, ku ta konsiderá faktornan internashonal i lokal, e supervisor BT&P ta vigilá e entrega di kombustibel, awa i elektrisidat na e poblashon lokal di forma independiente i transparente, pa esaki ta kontínuo i rasonabel.

Por mira e ahustenan eksakto den e tarifanan riba www.btnp.org.

FIN DI KOMUNIKADO DI PRENSA

Nota pa Redakshon:

Pa mas informashon tokante di e komunikado di prensa akí, por tuma kontakto ku Bureau Telecommunicatie en Post na +(599-9) 463-1700.